

## 20260702 華嚴經卷七十四 入法界品第三十九之十五

南無華嚴教主毗盧遮那如來(三遍)

開經偈；無上甚深微妙法 百千萬劫難遭遇 我今見聞得受持 願解如來真實義

這一品善財參訪來到第三十九站: 嵐毗尼林神

究竟善財跟這位嵐毗尼林神善知識學到了什麼，我們一起來了解!!!

**P194** 善男子。此閻浮提有一園林。名嵐毗尼。彼園有神。名妙德圓滿。汝詣彼問。菩薩云何修菩薩行。生如來家。為世光明。盡未來劫。而無厭倦。

時善財童子。頂禮其足。繞無量帀。合掌瞻仰。辭退而去。

(三十九) 嵐毗尼林神 寄第九善慧地

嵐毗尼林譯為樂勝圓滿。因為在往昔時，有位天女，下生此處，故為此名。嵐毗尼園在迦毗羅城（今在尼泊爾境）東二十里，為摩耶夫人生佛之處。表九地總持光明無不照故。表九地當得受職生佛家故。

嵐毗尼林神，名叫妙德圓滿神，因為她善慧無缺的緣故。善慧地，謂成就微妙四無礙辯，能徧十方善說法故。

**P202** 爾時善財童子。於大願精進力救護一切眾生夜神所。得菩薩解脫已。憶念修習。了達(解脫義理)增長(解脫力量)。漸次遊行。至嵐毗尼林。周徧尋覓彼妙德神。見在一切寶樹莊嚴樓閣中。坐寶蓮華師子之座。二十億那由他諸天恭敬圍繞。為說菩薩受生海經。令其皆得生如來家。增長菩薩大功德海。善財見已。頂禮其足。合掌前立。白言。大聖。我已先發阿耨多羅三藐三菩提心。而未能知菩薩云何修菩薩行。生如來家。為世大明(怎樣能為世間大光明藏)。

**P203** 彼神答言。善男子。菩薩有十種受生藏。若菩薩成就此法。則生如來家。念念增長菩薩善根。不疲不懈。不厭不退。無斷(絕)無(忘)失(受生藏法)。離諸迷惑。不生怯劣惱悔之心。趣一切智。入法界門。發廣大心。增長諸(十)度(法)。成就諸佛無上菩提。捨世間(四惡)趣。(證)入如來地。獲(殊)勝神通。諸佛之法常現在前。順一切智真實義境。

**P204** 何等為十。一者願常供養一切諸佛受生藏。二者發菩提心受生藏。三者觀諸法門勤修行受生藏。四者以深淨心普照三世受生藏。五者平等光明受生藏。六者生如來家受生藏。七者佛力光明受生藏。八者觀普智門受生藏。九者普現莊嚴受生藏。十者入如來地受生藏。

### 怎樣發願常供養一切諸佛受生藏呢？

P205 善男子。云何名願常供養一切佛受生藏。善男子。菩薩初發心時。作如是願(首先要發這種願心)。我當尊重恭敬供養一切諸佛。見佛無厭。於諸佛所。常生愛樂(心)。常起深信(不疑)。修諸功德。恒無休息。是為菩薩。為一切智始集善根受生藏。

### 怎樣叫做發菩提心受生藏？

P205 云何名發菩提心受生藏。善男子。此菩薩發阿耨多羅三藐三菩提心。所謂(發)起大慈心。救護一切眾生故。起供養佛心。究竟承事(諸佛)故。起普求正法心。一切無悋(皆能施捨)故。起廣大趣向(佛道)心。求一切智(慧)故。起慈無量心。普攝眾生故。起不捨一切眾生心。被求一切智堅誓甲(冑)故。起無諂誑心。(獲)得(真)如實(相)智(慧)故。起如說行心。修菩薩道故。起不誑諸佛心。守護一切佛大誓願故。起一切智願心。盡未來(劫教)化眾生不休息故。菩薩以如是等佛刹微塵數菩提心功德(緣)故。(所以)得生如來家。是為菩薩第二受生藏。

### 怎樣叫做觀諸法門勤修行受生藏？

P207 云何名觀諸法門勤修行受生藏。善男子。此菩薩摩訶薩。起觀一切法門海心。起迴向一切智圓滿道心。起正念無過失(惡)業心。起一切菩薩三昧海清淨心。起修成一切菩薩功德心。起莊嚴一切菩薩道心。起求一切智大精進行。修諸功德。如劫火熾然無休息心。起修普賢行。教化一切眾生心。起善學一切威儀。修菩薩功德。捨離一切所有(執著)。住無所有真實心。是為菩薩第三受生藏。

### 怎樣叫做以深淨心普照三世受生藏？

P208 云何名以深淨心普照三世受生藏。善男子。此菩薩具(足)清淨增上心。(證)得如來菩提光明(明)。入菩薩方便(大)海。其心堅固猶若金剛。背捨一切諸(二十五)有趣生。成就一切佛自在力。修殊勝行(門)。具(足)菩薩(善)根。其心明潔。願力不動(堅固)。(恆)常為諸佛之所護念。破壞一切諸障礙山。普為眾生作所依處。是為菩薩第四受生藏。

### 怎樣叫做平等光明受生藏？

P209 云何名平等光明受生藏。善男子。此菩薩具足眾行。普化眾生。一切所有(財物)。悉皆能捨。住佛究竟(清)淨(光明寶)戒境界。具足忍法。成就諸佛(無生)法忍光明以大精進(力)。趣一切智(慧之地)。到於彼岸。修習諸禪。得普門定。(清)淨智(慧)圓滿。以智慧日(輪)。明照諸法。(證)得無礙(法)眼。見諸佛(法)海。悟入一切真實法性。一切世間(眾生)見者歡喜。善能修習如實法門。是為菩薩第五受生藏。

### 怎樣叫做生如來家受生藏？

P209 云何名生如來家受生藏。善男子。此菩薩生如來家。隨諸佛住。成就一切甚深法門。具(足)三世(諸)佛清淨大願。(獲)得一切佛同一善根。與諸如來共一體性。具出世行白淨善法。安住廣大功德法門。入諸三昧。見(一切)佛神力。隨所應(教)化(眾生)。(清)淨諸眾生(心)。如(若有人)問(法)而對(答其理)。(有)辯才無(礙)盡(境界)。是為菩薩第六受生藏。

### 怎樣叫做佛力光明受生藏？

P210 云何名佛力光明受生藏。善男子。此菩薩深入佛(十)力。遊諸佛刹。心無退轉。供養承事菩薩眾會。無有疲厭。(明)了一切法。皆如(虛)幻起。知諸世間(無常)。如夢所見。一切色相。猶如光影。神通所作。皆如變化(所現)。一切受生悉皆如影。諸佛(所)說法。皆如(空)谷響。開示法界。咸令(得)究竟(安樂)。是為菩薩第七受生藏。

### 怎樣叫做觀普智門受生藏？

P211 云何名觀普智門受生藏。善男子。此菩薩住童真位。觀一切智。一一智門。盡無量劫。開演一切菩薩所行(門)。於諸菩薩甚深三昧。心得(任運)自在。念念(中)生於十方世界諸如來所。於有差別境(界)。入無差別定。於無差別法(中)。現(出)有差別智(慧)。於無量境。知無境界。於少境界。入無量境。通達法性廣大無(邊)際。知諸世間(形相皆虛忘)悉(乃是)假施設。一切皆是(分別)識心所起。是為菩薩第八受生藏。

### 怎樣叫做普現莊嚴受生藏？

P212 云何名普現莊嚴受生藏。善男子。此菩薩能種種莊嚴無量佛刹。普能化現一切眾生及諸佛身。得無所畏(懼)。演(說)清淨(妙)法。周流法界。無所障礙。隨其心樂。普使(眾生)知(道)看(見)。示現種種成菩提行。令(一切眾生皆)生無礙一切智(慧之)道。如是所作。不失(正逢)其時。而常在三昧毗盧遮那智慧之藏。是為菩薩第九受生藏。

### 怎樣叫做入如來地受生藏？

P213 云何名人如來地受生藏。善男子。此菩薩悉於三世諸如來所(道場)。受灌頂法(入法王位)。普知一切境界(前後)次第。所謂知一切眾生。前際(生死)後(世生)際歿生次第。一切菩薩修行次第。一切眾生心念次第。三世如來成佛次第。善巧方便說法次第。亦知一切初中後際所有諸劫。若成若壞名號次第。隨諸眾生所應化度。為現成道功德莊嚴。神通說法。方便調伏。是為菩薩第十受生藏。

P214 佛子。若菩薩摩訶薩。於此十法。**修習增長。圓滿成就。則能於一莊嚴中現種種莊嚴。**如是莊嚴一切國土。開導示悟一切眾生。盡未來劫。無有休息。演說一切諸佛法海。種種境界。種種成熟。展轉傳來無量諸法。現不思議佛自在力。充滿一切虛空法界。於諸眾生心行海中而轉法輪。**於一切世界示現成佛。恒無間斷。**以不可說清淨言音。說一切法。**住無量**

處。通達無礙。以一切法。莊嚴道場。隨諸眾生欲解差別而現成佛。開示無量甚深法藏。教化成就一切世間。

P215 爾時。嵐毗尼林神。欲重明其義。以佛神力。普觀十方。而說頌言。

最上離垢清淨心	見一切佛無厭足	願盡未來常供養	此明慧者受生藏
一切三世國土中	所有眾生及諸佛	悉願度脫恒瞻奉	此難思者受生藏
聞法無厭樂觀察	普於三世無所礙	身心清淨如虛空	此名稱者受生藏
其心恒住大悲海	堅如金剛及寶山	了達一切種智門	此最勝者受生藏
大慈普覆於一切	妙行常增諸度海	以法光明照群品	此雄猛者受生藏
了達法性心無礙	生於三世諸佛家	普入十方法界海	此明智者受生藏
法身清淨心無礙	普詣十方諸國土	一切佛力靡不成	此不思議受生藏
入深智慧已自在	於諸三昧亦究竟	觀一切智如實門	此真身者受生藏
淨治一切諸佛土	勤修普化眾生法	顯現如來自在力	此大名者受生藏
久已修行薩婆若	疾能趣入如來位	了知法界皆無礙	此諸佛子受生藏

218 善男子，菩薩具此十法，生如來家，為一切世間清境光明。善男子，我從無量劫來，得是自在受生解脫門。

善財白言。聖者。此解脫門。境界云何。

答言。善男子。我先發願。願一切菩薩示受生時。皆得親近。願入毗盧遮那如來無量受生海。以昔願力。生此世界閻浮提中嵐毗尼園。專念菩薩何時下生。

219 經於百年。世尊果從兜率陀天而來生此。時此林中。現十種相。何等為十。一者此園中地忽自平坦。坑坎塹阜。悉皆不現。二者金剛為地。眾寶莊嚴。無有瓦礫荆棘株杙。三者寶多羅樹周布行列。其根深植。至於水際。四者生眾香芽。現眾香藏。寶香為樹。扶疏蔭映。其諸香氣。皆踰天香。五者諸妙華鬘寶莊嚴具。行列分布。處處充滿。六者園中所有一切諸樹。皆自然開摩尼寶華。

P220 七者諸池沼中。皆自生華。從地涌出。周布水上。八者時此林中娑婆世界。欲色所住。天。龍。夜叉。乾闥婆。阿修羅。迦樓羅。緊那羅。摩睺羅伽。一切諸王。莫不來集。合掌而住。九者此世界中所有天女。乃至摩睺羅伽女。皆生歡喜。各各捧持諸供養具。向畢洛叉樹前。恭敬而立。十者十方一切諸佛臍中。皆放光明。名菩薩受生自在燈。普照此林。一一

光中。悉現諸佛受生誕生所有神變。及一切菩薩受生功德。又出諸佛種種言音。是為林中十種瑞相。此相現時。諸天王等。即知當有菩薩下生。我見此瑞。歡喜無量。

林中十種瑞相出現時，諸天王等，即刻知道應當有成佛的菩薩，要從此園中下生於世。林神說：「我見到這種瑞相之後，情不自禁，踊躍起來。歡喜之情，無法形容。」

**P221** 善男子。摩耶夫人出迦毗羅城。入此林時。復現十種光明瑞相。令諸眾生。得法光明。何等為十。①所謂一切寶華藏光。②寶香藏光。③寶蓮華開演出真實妙音聲光。④十方菩薩初發心光。⑤一切菩薩得入諸地現神變光。⑥一切菩薩修波羅蜜圓滿智光。⑦一切菩薩大願智光。⑧一切菩薩教化眾生方便智光。⑨一切菩薩證於法界真實智光。⑩一切菩薩得佛自在受生出家成正覺光。此十光明。普照無量諸眾生心。

**P222** 善男子。摩耶夫人於畢洛叉樹下坐時。復現菩薩將欲誕生十種神變。何等為十。

善男子。菩薩將欲誕生之時。欲界諸天。天子天女。及以色界。一切諸天。諸龍。夜叉。乾闥婆。阿修羅。迦樓羅。緊那羅。摩睺羅伽。並其眷屬。為供養故。悉皆雲集。摩耶夫人威德殊勝。身諸毛孔。咸放光明。普照三千大千世界。無所障礙。一切光明。悉皆不現。除滅一切眾生煩惱及惡道苦。是為菩薩將欲誕生第一神變。

**P223** 又善男子。當爾之時。摩耶夫人腹中。悉現三千世界一切形像。其百億閻浮提內。各有都邑。各有園林。名號不同。皆有摩耶夫人於中止住。天眾圍繞。悉為顯現菩薩將生不可思議神變之相。是為菩薩將欲誕生第二神變。

**P224** 又善男子。摩耶夫人一切毛孔。皆現如來往昔修行菩薩道時。恭敬供養一切諸佛。及聞諸佛說法音聲。譬如明鏡。及以水中。能現虛空日月星宿雲雷等像。摩耶夫人身諸毛孔。亦復如是。能現如來。往昔因緣。是為菩薩將欲誕生第三神變。

**P225** 又善男子。摩耶夫人身諸毛孔。一一皆現如來往修菩薩行時。所住世界。城邑聚落。山林河海。眾生劫數。值佛出世。入淨國土。隨所受生。壽命長短。依善知識。修行善法。於一切剎。在在生處。摩耶夫人常為其母。如是一切。於毛孔中。靡不皆現。是為菩薩將欲誕生第四神變。

**P225** 又善男子。摩耶夫人一一毛孔。顯現如來往昔修行菩薩行時。隨所生處。色相形貌。衣服飲食。苦樂等事。一一普現。分明辨了。是為菩薩將欲誕生第五神變。

**P226** 又善男子。摩耶夫人身諸毛孔。一一皆現世尊往昔修施行時。捨所難捨。頭目耳鼻。唇舌牙齒。身體手足。血肉筋骨。男女妻妾。城邑宮殿。衣服瓔珞。金銀寶貨。如是一切。內外諸物。亦見受者形貌音聲。及其處所。是為菩薩將欲誕生第六神變。

P227 又善男子。摩耶夫人入此園時。其林普現過去所有一切諸佛入母胎時。國土園林。衣服華鬘。塗香末香。旛繒幢蓋。一切眾寶莊嚴之事。妓樂歌詠。上妙音聲。令諸眾生。普得見聞。是為菩薩將誕生時第七神變。

P227 又善男子。摩耶夫人入此園時。從其身出菩薩所住摩尼寶王宮殿樓閣。超過一切天。龍。夜叉。乾闥婆。阿修羅。迦樓羅。緊那羅。摩睺羅伽。及諸人王之所住者。寶網覆上。妙香普熏。眾寶莊嚴。內外清淨。各各差別。不相雜亂。周帀徧滿嵐毗尼園。是為菩薩將誕生時第八神變。

P228 又善男子。摩耶夫人入此園時。從其身出十不可說百千億那由他佛刹微塵數菩薩。其諸菩薩身形容貌。相好光明。進止威儀。神通眷屬。皆與毗盧遮那菩薩等無有異。悉共同時。讚歎如來。是為菩薩將誕生時第九神變。

P229 又善男子。摩耶夫人將欲誕生菩薩之時。忽於其前。從金剛際。出大蓮華。名為一切寶莊嚴藏。金剛為莖。眾寶為鬚。如意寶王以為其臺。有十佛刹微塵數葉。一切皆以摩尼所成。寶網寶蓋以覆其上。一切天王所共執持。一切龍王降注香雨。一切夜叉王恭敬圍繞。散諸天華。一切乾闥婆王出微妙音。歌讚菩薩往昔供養諸佛功德。一切阿修羅王。捨憍慢心。稽首敬禮。一切迦樓羅王。垂寶繒旛。徧滿虛空。一切緊那羅王。歡喜瞻仰。歌詠讚歎菩薩功德。一切摩睺羅伽王。皆生歡喜。歌詠讚歎。普雨一切寶莊嚴雲。是為菩薩將誕生時第十神變。

P230 善男子。嵐毗尼園示現如是十種相已。然後菩薩其身誕生。如虛空中。現淨日輪。如高山頂。出於慶雲。如密雲中。而耀電光。如夜暗中而然大炬。爾時。菩薩從母脇生。身相光明。亦復如是。

P231 善男子。菩薩爾時雖現初生。悉已了達一切諸法。如夢如幻。如影如像。無來無去。不生不滅。

P231 善男子。當我見佛。於此四天下閻浮提內。嵐毗尼園。示現初生種種神變時。亦見如來於三千大千世界。百億四天下。閻浮提內。嵐毗尼園中。示現初生種種神變。亦見三千大千世界。一一塵中。無量佛刹。亦見百佛世界。千佛世界。乃至十方一切世界。一一塵中無量佛刹。如是一切諸佛刹中。皆有如來示現受生種種神變。如是念念。常無間斷。

P232 時善財童子白彼神言。大天。得此解脫。其已久如。

答言。善男子。乃往古世。過億佛刹微塵數劫。復過是數。時有世界。名為普寶。劫名悅樂。八十那由他佛於中出現。其第一佛。名自在功德幢。十號具足。彼世界中。有四天下。名妙光莊嚴。其四天下。閻浮提中。有一王都。名須彌莊嚴幢。其中有王。名寶斂眼。其王

夫人。名曰喜光。善男子。如此世界摩耶夫人。為毗盧遮那如來之母。彼世界中喜光夫人為初佛母。亦復如是。

善男子！像此世界摩耶夫人為毗盧遮那佛的母親。彼世界中喜光夫人為初佛的母親，亦復如是。

**P233** 善男子。其喜光夫人將欲誕生菩薩之時。與二十億那由他娑女。詣金華園。園中有樓。名妙寶峰。其邊有樹。名一切施。喜光夫人攀彼樹枝。而生菩薩。諸天王眾。各持香水。共以洗沐。

**P233** 時有乳母。名為淨光。侍立其側。既洗沐已。諸天王眾。授與乳母。乳母敬受。生大歡喜。即得菩薩普眼三昧。得此三昧已。普見十方無量諸佛。復得菩薩於一切處示現受生自在解脫。如初受胎識。速疾無礙。得此解脫故。見一切佛乘本願力。受生自在。亦復如是。

**P234** 善男子。於汝意云何。彼乳母者。豈異人乎。我身是也。我從是來。念念常見毗盧遮那佛示現菩薩受生海。調伏眾生自在神力。如見毗盧遮那佛乘本願力。念念於此三千大千。乃至十方一切世界微塵之內。皆現菩薩受生神變。見一切佛悉亦如是。我皆恭敬承事供養。聽所說法。如說修行。

**P235** 時嵐毗尼林神。欲重宣此解脫義。承佛神力。普觀十方。而說頌言。

佛子汝所問	諸佛甚深境	汝今應聽受	我說其因緣
過億剎塵劫	有劫名悅樂	八十那由他	如來出興世
最初如來號	自在功德幢	我在金華園	見彼初生日
我時為乳母	智慧極聰利	諸天授與我	菩薩金色身
我時疾捧持	諦觀不見頂	身相皆圓滿	一一無邊際
離垢清淨身	相好以莊嚴	譬如妙寶像	見已自欣慶
思惟彼功德	疾增眾福海	見此神通事	發大菩提心
專求佛功德	增廣諸大願	嚴淨一切剎	滅除三惡道
普於十方土	供養無數佛	修行本誓願	救脫眾生苦
我於彼佛所	聞法得解脫	億剎微塵數	無量劫修行
劫中所有佛	我悉曾供養	護持其正法	淨此解脫海
億剎微塵數	過去十力尊	盡持其法輪	增明此解脫

我於一念頃 見此剎塵中 一一有如來 所淨諸剎海  
 剎內悉有佛 園中示誕生 各現不思議 廣大神通力  
 或見不思議 億剎諸菩薩 住於天宮上 將證佛菩提  
 無量剎海中 諸佛現受生 說法眾圍繞 於此我皆見  
 一念見億剎 微塵數菩薩 出家趣道場 示現佛境界  
 我見剎塵內 無量佛成道 各現諸方便 度脫苦眾生  
 一一微塵中 諸佛轉法輪 悉以無盡音 普雨甘露法  
 億剎微塵數 一一剎塵內 悉見於如來 示現般涅槃  
 如是無量剎 如來示誕生 而我悉分身 現前興供養  
 不思議剎海 無量趣差別 我悉現其前 雨於大法雨  
 佛子我知此 難思解脫門 無量億劫中 稱揚不可盡

**P239** 善男子。我唯知此菩薩於無量劫徧一切處。示現受生自在解脫。如諸菩薩摩訶薩。能以一念為諸劫藏。觀一切法。以善方便而現受生。周徧供養一切諸佛。究竟通達一切佛法。於一切趣。皆現受生。一切佛前坐蓮華座。知諸眾生應可度時。為現受生。方便調伏。於一切剎。現諸神變。猶如影像。悉現其前。我當云何。能知能說彼功德行。

**P240** 善男子。此迦毗羅城有釋種女。名曰瞿波。汝詣彼問菩薩云何於生死中。教化眾生。時善財童子。頂禮其足。繞無數帀。殷勤瞻仰。辭退而去。